

Wenn i zu dir geh

Text und Melodie: Ernst Weeber (Juni 1999)

www.langelieder.de

I hab ein seltsams Gfui im Bauch, wenn i zu dir geh
So ähnlich wia Schmetterling, doch es tuat a bisserl weh
So ähnlich wia Schmetterling, dee koane Flügel habn
Und a Vogel kimmt gflogn und frißts zamm

Und i hab a Gschicht im Kopf, dee möchat i dir verzähln
So ähnlich wiara Liebesgeschicht, vui taat nimma fehl'n
So ähnlich wiara Liebesgeschicht, dee nimma weitergeht
Und zum Vergessn is's z'spät

Und du gehst jeden Tag zum Markt und verkaufst dei Brot
So ähnlich wiara Königskind, dees wer in d'Welt gschickt hat
So ähnlich wiara Königskind, dees erst was findn muaß
Dees findsd' net, es sei denn du gehst z'Fuaß

Und i, i geh jetzt hi zu dir und i kauf dei Brot
So ähnlich wiara Bettler, der bloß oa Münzn hat
So ähnlich wiara Bettler, der ganz schnell kimmt und geht
Und dann wieder Tag für Tag am Torbogn steht

Und wennsd' mi fragst was's neues gibt, dann mach i dir a Gsicht
So ähnlich wiara armer Bua, dems Herz ausnanderbricht
So ähnlich wiara dummer Bua, den d'Liab nimmer gfreut
Und a Vogel kimmt gflogn und schreit